



Federación Galega de Pesca e Casting  
Praza Agustín Díaz 1  
Complejo Deportivo de Elviña, Local 5  
15008 a Coruña  
[www.fgpesca.org](http://www.fgpesca.org)  
[federación@fgpesca.org](mailto:federación@fgpesca.org)



## OPEN MAR-COSTA VETERANOS 2021

O Campionato Galego Open Mar-Costa Veteranos, está convocado pola Federación Galega de Pesca e Casting, sendo responsable da súa organización a Delegación Provincial desta Federación en Pontevedra, baixo a supervisión do Comité Técnico da especialidade. A Competición rexerese, ademais de por estas bases, polas normas de pesca de Galicia e polo Regulamento de Competición de Pesca Deportiva e Casting da F.E.P. e C.

Lugar e Data: **17 de abril** de 2021 en praia Montalbo  
Escenario alternativo: Praia Major  
Data alternativa 24 de abril.

Os deportistas terán que facer para a súa inscrición un ingreso de 45,00 €, por deportista, (20+25) na conta da F.G.P. en ABANCA: ES34 2080 0176 9630 4001 0672 ata a data linde do 12 de abril de 2021 ás 12,00 horas. As inscricións cómpre facelas exclusivamente ao correo [ourensedelegacion@fgpesca.org](mailto:ourensedelegacion@fgpesca.org) acompañando o xustificante de pago

É obrigatorio que cada Club achegue unha persoa para facer labores de Control. O non cumprimento desta obriga fará que os membros do Club non poidan participar na competición. De ser necesario aplicarase a excepción acordada polo Comité de Mar Costa. Os deportistas participantes deberán de ter cumpridos os 55 anos de idade antes do día da competición.

Este Campionato é clasificatorio para o Campionato de España da especialidade do ano 2022. A selección que represente a Galicia integrarana os catro primeiros deportistas da clasificación final que non houbesen participado previamente en algunha competición clasificatoria da mesma especialidade, sen ter escollido categoría, mediante escrito dirixido á federación, antes do 28 de xaneiro.

### BASES

**Xurado:** Estará composto polos tres Representantes dos deportistas para o Sorteio, dous membros da organización e o xuíz da competición

**Mangas:** Desenvolverase en dúas mangas de tres horas cada unha delas. Tanto o inicio como no remate da manga será indicado con sinais acústicas.

Cada Club poderá facer unha primeira inscrición de, como máximo, 5 deportistas.



Federación Galega de Pesca e Casting  
Praza Agustín Díaz 1  
Complejo Deportivo de Elviña, Local 5  
15008 a Coruña  
[www.fgpesca.org](http://www.fgpesca.org)  
[federación@fgpesca.org](mailto:federación@fgpesca.org)



A capacidade do escenario quedou fixada en 30 deportistas. Unha vez feitas tódalas inscricións, os clubs que así o desexen, poderán inscribir máis deportistas. No caso de que as inscricións superen a capacidade do escenario, as prazas adjudicaránse de forma proporcional ao número de tarxetas federativas que cada club tivese tramitadas na tempada 2020. Informarase aos clubs implicados neste procedemento sobre o número de tarxetas federativas que cadaún deles tramitou na tempada 2020.

**Para que a competición se desenvolva deberá de haber, coma mínimo, 12 deportistas inscritos.**

O escenario estará dividido en tres sectores. Eses sectores, dividiránse en postos que terán unha lonxitude mínima de 20 metros cadaún e máxima de 35. A cada sector atribuiránselle tantos postos como resulten de dividir o total de inscritos por tres. A adjudicación dos distintos postos aos deportistas farase por sorteo dirixido.

**Capturas:** Os exemplares presentados á pesaxe aos que, polo menos lles falte un centímetro para acadar a talla mínima legal, contarán como penalización que será a equivalente ao peso deses exemplares. A baila equipararase a robaliza.

#### **Material Deportivo:**

**Canas:** Nesta especialidade de Mar Costa autorízase ter dúas canas en tarefa de pesca por deportista, podendo ter montadas, de reserva, outras máis.

**Cebo:** Compórase de 3 caixas gavián, 2 de coreano e 3 caixas de norte na 1ª manga, e 7 caixas de gavián e 1 de coreano na 2ª manga. O cebo subministrarao a Federación Galega de Pesca e Casting. Será o cebo que se indica ou semellante, en todo caso serán iguais cantidades e especies para tódolos deportistas.

**Anzois:** Non poderán ser de medida inferior a 5 milímetros de anchura. Os deportistas non poden atoparse en posesión nos seus postos de pesca, de anzois cunha apertura inferior a 5 cm de ancho total. Quen infrinxa esta norma será descalificado nesa manga e se fora reincidente a descalificación alcanzará a todo ou campionato.

Será obrigatorio para tódolos deportistas dispor como elementos auxiliares no posto de pesca dun caldeiro de polo menos 17 litros e un osixenador, que estará en funcionamento sempre que haxa capturas no mesmo.

Medición e control das capturas:



Federación Galega de Pesca e Casting  
Praza Agustín Díaz 1  
Complejo Deportivo de Elviña, Local 5  
15008 a Coruña  
[www.fgpesca.org](http://www.fgpesca.org)  
[federación@fgpesca.org](mailto:federación@fgpesca.org)



Consideraranse válidas tódalas capturas. Os peixes que non acaden a talla mínima regulamentaria puntuaranse cun punto por peza. As capturas introduciranse no caldeiro (anxada ou desaxada), antes de facer un novo lanzamento coa cana. Ao deportista que incumpra esta norma non se lle considerarán válidas ningunha das capturas feitas ata ese momento nesa manga.

As capturas serán verificadas polo xuíz, controis ou membros do Comité. En ningún caso poderá realizar o deportista el só a verificación. Os peixes unha vez medidos devolveranse á auga no menor tempo posible.

O/A deportista deberá de sacarlle o anzol á captura do xeito menos lesivo posible para o peixe, e deberá de manter a peza viva ata a súa verificación.

Programa día:

13,00 horas: Recepción dos participantes no escenario da proba e control de temperatura.

13,30 horas: Sorteio de postos

14,30 horas: Entrega de documentación.

16,00 horas: Inicio da Primeira Manga.

19,00 horas: Fin da Primeira Manga.

DESCANSO

20,00 horas: Inicio da Segunda Manga.

23,00 horas: Fin da Competición.

Os horarios, poderán ser modificados por estar a praia ocupada por bañistas ou por outros condicionantes.

Normas de comportamento:

1º Para facer o lance pódese entrar na auga a altura do nocello.

2º Unha vez feito o lance, os deportistas e as canas deberán estar na parte seca, dende onde se fará a acción de cravado e loita coa peza. Preferentemente no centro do posto, retirado a 5 metros coma mínimo da liña separadora dos postos a súa dereita e esquerda.

3º Ao sinal de fin da manga é obrigado desistir de inmediato na acción de pesca, debendo retirar o aparello da auga, cobrando normalmente o aparello e decatándose da chegada dos Controis para a entrega das capturas.



Federación Galega de Pesca e Casting  
Praza Agustín Díaz 1  
Complexo Deportivo de Elviña, Local 5  
15008 a Coruña  
[www.fgpesca.org](http://www.fgpesca.org)  
[federación@fgpesca.org](mailto:federación@fgpesca.org)



Os deportistas deberán recuperar a liña rápida ou lentamente, pero a acción de recoller a tiróns está prohibida e suporá a non contabilización das capturas realizadas ata ese momento.

4º As capturas presentadas á pesaxe estarán libres de area, argazo, restos de aparellos, auga ou calquera outros corpos alleos ás mesmas.

5º Os deportistas agardarán a retirada das súas capturas no seu posto.

6º Está totalmente prohibido botar calquera tipo de lixo ou vertedura contaminante ás augas ou á contorna. Os deportistas deberán deixar o posto de pesca totalmente libre de lixo. A infracción a esta norma dará lugar á descualificación do deportista.

7º Queda terminantemente prohibido o consumo de tabaco no transcurso de tódalas competicións oficiais organizadas pola Federación Galega de Pesca e Casting, dende a entrada aos postos ata o final da proba, establecéndose as correspondentes sancións, se é o caso, para quen as incumpra.

8º Soamente poderán entrar nos postos dos competidores os xuíces e os Controis a petición dos participantes. A infracción a esta norma dará lugar á descualificación do deportista.

9º Os deportistas participantes deberán estar en posesión das licenzas federativa e de pesca en vigor. Asemade os clubs polos que compitan deberán de estar ao corrente das súas obrigas coa FGPeC. Tanto os deportistas coma os controis, deben ter licencia federativa polo club que representen.

10º Unha vez expostas as clasificacións provisionais, haberá un prazo de media hora para presentar reclamacións ou solicitar emendas. Esgotado este prazo as clasificacións pasarán a ser definitivas.

Entorpecer ou alterar o normal desenvolvemento da proba será motivo de expulsión inmediata da mesma. A acta da competición será elevada ao Comité de Disciplina que, de ser o caso, actuará de oficio.

Para outras disposicións non recollidas nas presentes bases, rexerémonos polas normas da Federación Española de Pesca e Casting para esta especialidade.

Por mor da actual crise sanitaria a organización non entregará, nin fará servir, ningunha clase de comida nin bebida aos participantes. Cada participante deberá traer as súas propias bebidas e comidas debidamente identificadas. Prégase consultar na páxina web da Federación o Protocolo Covid-19 ([www.fgpesca.org](http://www.fgpesca.org))



Federación Galega de Pesca e Casting  
Praza Agustín Díaz 1  
Complejo Deportivo de Elviña, Local 5  
15008 a Coruña  
[www.fgpesca.org](http://www.fgpesca.org)  
[federación@fgpesca.org](mailto:federación@fgpesca.org)



Para esta competición o responsable do protocolo COVID-19 será o Presidente do Comité de Mar – Costa Pedro Bolaño Pérez, tlf 643752318

**NOTA IMPORTANTE:** No sorteo só poderán estar presentes 2 representantes dos deportistas inscritos (que serán nomeados polos propios deportistas vía grupo de wassap creado para esta competición) e 2 membros da organización (total 4 persoas).

Estas 4 persoas serán tamén as únicas que poderán estar presentes na pesaxe, ademais do xuíz, que se manterá afastado e intervirá só en caso de dúbida.

O uso da mascariña é obrigatorio ao longo de toda a proba.

As clasificacións publicaranse polo grupo de wassap.

Os trofeos depositaranse nun lugar no que os gañadores os irán recollendo eles mesmos.

É imperativo que unha vez rematada a competición, mentres esteamos á espera da clasificación e entrega de premios, usemos a mascariña en todo momento, teñamos as mans desinfectadas, non ocupemos espazos pechados e manteñamos a distancia de seguridade.

Que poidamos seguir desenvolvendo a nosa actividade con seguridade tamén depende de todos nós.

**Asdo. Pedro Bolaño Pérez**  
**Presidente do Comité de Mar-Costa**